

առ Հայս՝ և առողջ առ Յոյնս : Ապա գնացին Հայք 'ի տե-
տութիւն Գործակալացն պատրաստեալ իւրաքանչիւրոց
զարժանաւոր ընծայս . 'ի նմին աւուր առաջադրէ Սօճա-
քեանն Հայոց , թէ եղեալ եմ 'ի մտի տալ բերել աստ
զՅոյնս . մի լիցի ձեզ վերաւորիլ յերթեւեկութենէ նոցին ,
մանաւանդ դիւրութիւն լինի գործոց ձերոց : Հայք ասեն .
ազդ արարաք նոցա գալ 'ի միասին , այլ նոքա ետուն պա-
տասխանի . թէ չխառնիմք 'ի գործս ձեր , այլ թէ մեզ
չէ ինչ փնաս . տայր Աստուած չպակասիլ նոցա աստի 'ի
տուէ և 'ի գիշերի : Այսպիսի եղանակաւ յայտնեաց փոքու-
իմն զներքին դիտաւորութիւն իւր : Եւ յետ դադարելոյ
Գործակալաց զաւուրս 6 գնացին յայցելութիւն Դատաւո-
րին . եւ 'ի լինել բանից 'ի վերայ խնդրոց ազգաց ասէ
Դատաւորն . թող զայլ ամենայն խնդիրս . չիք երբէք հնար
կատարելոյ զվէճն Բեթղեհէմի . գործակալքն լռեցին իս-
պառ , ապա խնդրեաց զհրովարտակս պաշտօնէութեան
նոցին՝ ընթեռնուլ առանձին , յորմէ վշտացեալ՝ առաքե-
ցին 'ի դառնալն 'ի տեղիս իւրեանց , նոյնպէս և Հայք ըզ-
պատճէն հրովարտակին : Եւ իրբեւ գնացին պահանջել զայն
յետս . ողորջէին զմիտս նորա աղաչանօք անթերի կատա-
րել զհրաման Արքային՝ խոստացեալ նմա առնել բարիս
'ի վախճանի , այլ նորա զայրացեալ ասէ . ընդէ՞ր բերիք
զգործակալս , միթէ չէի՞ կարող կատարել զգործս ձեր ,
գուցէ ոչ ընդունիք զդատաւորութիւնս իմ : Հայք ասեն .
Արքայն որպէս կամեցաւ , այնպէս արար . Դատաւորն ա-
սէ . ուրեմն ընթերցցի յատենի հրովարտակք գործակալաց
և 'ի գործ դիցի , եւ ձերն մնացէ . յետ մեկնելոյ նոցա
աստի ընթեռնուլ և գործադրել զայն ըստ արժանոյն օրի-
նօք Շէրիի : Իմացեալ Հայոց զմիտս նորա՝ աղաչէին ըն-
թեռնուլ 'ի ժողովի զհրովարտակս Հայոց և Յունաց . ընդ
այս հաճեցաւ թէեւ՝ բայց պատճառէր թէ չեւ է եկեալ
հրովարտակն Յունաց : Հայք հաստատէին թէ հրովարտակն
Յունաց եկեալ է , հրաման տուք բերել զայն . իսկ եթէ
ոչ , մերն բաւական է . զի երկօքեան 'ի մի և նոյն միտս
գրեալ են , մանաւանդ վաւերեալ պատճէն նորին են առ
գործակալս :

Ի լսել գործակալաց զայս ամենայն բանս Դատաւորին՝